

歷代畫史彙傳

歷代畫史彙傳卷四十三目錄

紙韻

李仲畧

金

早

適

澥

元素

仲華

漢卿

山

衍元

士行

仲芳

澄叟

有

侗

章

升

容瑾

士傳

冲

希閔

進臣

肖巖

兼善

中明

康

立

士安

道行

師孟

端

良心

通

貧橋

山

道士

克雋明

元中

福智

時

焮

明遠

子安

文奎

躍

芳

彬

在

叔義

麟

芳蓀

著

葵

泉

陽

源

宗謨

紹箕

開芳

存箕

士達

芳

驥

郡

西山

孔修

日華

石樓

肇亨

流芳

杭之

永昌

標

仲芳

茂枝

辰

良

遴

士實

萼

奇

元達

鍾衡

赤

遇陰

僦山

文纘

本朝

蒞

穎

念慈

藩

根

采石

玉品

琪枝

含漢

含淑

含澤

含沁

嶧

希喬

華國

能白

巒

爲憲

又弼

昌

棟

枳

觀曾

恒修

崧

應捷

炳旦

泰

鱣

岸

庚

良佐

紹

畦

世倬

穀

山

序韓

美

治運

方膺

增

兆年

長熙

應熊

萬山

清冕

立志

棠

樹穀

通理

倫

巖

三畏

振揚

秉德

祥鳳

敬謨

良

點

昌泉

蟠根

馨

豐

敬思

鏞

夷善

鵬翼

寅

山

翊如

勉

頑石

澍

邦熾

宗埴

福

綺

榮

憲

亨

容讓

宗白

方岳

翰

宗縻

宗淮

馥

應占

邦焜

寅

瑤

錦眉

痕

元開

樸

體德

歷代畫史彙傳卷四十三

長洲彭蘊璫朗峯編

李

金

李仲略字簡之澤州高平人晏子太定己亥詞賦進
士官至山東東西路按察使山水稱妙宗米氏雲
峯性豪邁有父風剛介特立不附權貴臨事明敏
無留滯所任以幹濟稱進言救末正本所謂本者

厚風俗去冗食養財用充經文讀卷官上問有司
以謂經義不若詞賦請罷之何如奏曰經乃聖人
之書所以適用非詞賦比乞自今以經義進士爲
考試官庶得碩學之士可其言泰和乙丑卒贈朝
列大夫諡襄獻金史本傳 圖繪寶鑑

李 早明昌間人人物甚佳兼工樹石及畫馬金原
六葉明昌全盛政似宣和寶書玉軸充內府時以
之方龍眠 圖繪寶鑑 畫史會要 俟菴集

李

通字平甫自號寄菴老人樂城人少擢第有能

聲南渡授東平府治中後致仕居釣臺工山水龍

虎入妙品工詩

圖繪寶鑑

畫史會要

歸潛志

中州集

李

澥字公渡自號六峯居士相州人官京兆轉運

使得畫法於王庭筠趙秉文字畫之外兼工詩年

六十餘終

圖繪寶鑑

歸潛志

李元素熙宗時人善畫

圖繪寶鑑

畫史會要

繪

事備考

李仲華善湍流高樹 圖繪寶鑑 書史會要

李漢卿東平人工草蟲 圖繪寶鑑

李山官秘書監作風雪松杉圖用筆瀟灑精絕有致出蹊徑外 弁洲山人集 彭氏家珍錄

元

李衍字仲賓號息齋道人薊邳人拜集賢殿大學士浙江行省平章政事追封薊國公諡文簡古木

竹石庶幾王維文同高致著色者師李頗

圖繪寶鑑

鑑 滋溪集

松雪齋集

禮部集

李士行字遵道衍子官黃巖知州歌詩字畫悉有前輩風致竹石得家學而妙過之尤善山水

圖繪寶鑑

鑑 滋溪集

李仲芳與衍同時善戲墨

養蒙集

李澄叟湘中人自幼觀湘中山水長遊三峽夔門或水或陸盡得其態寫之水墨甚有妙悟作山水訣

畫史會要

一卷

李 有先名立義字仲芳燕人官兩浙鹽運使經歷
古木竹石筆意高遠作者推服通雅博洽尤工古

隸 圖繪寶鑑

畫史會要

書史會要

李 倜字士宏號員嶠真逸河東太原人官至集賢
院侍讀學士墨竹宗文同好學尙氣劬神苦思務
求博洽而後已以好書名天下稍暇則取右軍帖
縱筆爲之

圖繪寶鑑

缺網珊瑚

剡源集

李章字君章東平人晚年墨竹有高致性通簡書法可尙書史會要

李升字子雲號紫簣生濠梁人畫墨竹能窠石平遠圖繪寶鑑 畫史會要

李容瑾字公琰界畫山水師王振鵬同上

李士傳字仲芳薊邳人山水人物學伯時尤善做嶽

宗墨戲同上

李冲字用之山水學李成荆浩圖繪寶鑑

李希閔字克孝薊邳人畫山水竹石

圖繪寶鑑補遺

李進臣號網齋有南褒草亭圖

蒲順齋集

李肖巖善傳神

同上

李兼善善山水

侯菴集

李中明邵武人工山水爲鄉人張鎮成所推

福建通志

閩書

李康字寧之桐廬人書畫琴奕冠絕一時事母孝

人稱孝子工書文行省宰臣欲官之以母老辭畫

名家錄

李 立吳人多效小李將軍 吳中人物志

李士安至正間人山水學董元 書畫史

李道行古魏人山水學郭熙 同上

李師孟山水學巨然 同上

李 端字彥章山水學李成郭熙 同上

李良心古魏人山水宗二米 同上

李 通善畫 寓意編

李質橋字仲和號雪村崑山人善墨竹

圖繪寶鑑

李山陽信人以畫著名落筆如有神助酒酣縱筆

揮灑煙雲萬狀人求之瞪目不應濟南府志

李道士佚其名居南岳善畫龍

翠寒集

明

李克雋爲兵曹善墨竹

桂翁集

李元中洪武時善墨竹

丹崖集

李福智善釋道人物可繼上官伯達

圖繪寶鑑續集

李時字居中北京人畫宗北苑

畫史會要

李煥字純正號十洋長樂人畫龍虎以能詩稱

閩

畫記

李明遠善菊花

明書畫史

李子安常熟人善傳神

常熟縣志

明書畫史

李文奎子安子工寫照

常熟縣志

李躍文奎子能世其業

同上

李芳雲中人能寫照

明書畫史

李 彬字文申四明人工寫意人物 畫史會要

李 在字以政由莆田遷雲南行取來京宣德時與

戴進同直仁智殿山水細潤處宗郭熙豪放處宗

馬夏自戴進以下稱一人人物八面生動四方重

之 福建通志 杭州府志 閩畫記 畫史會要

無聲詩史 圖繪寶鑑續纂

李叔義字文宜閩人爲廣昌訓導終貴州僉事善丹

青工書 閩書

李

麟子次公鄞人善白描作佛像下筆如尊草用

蕉墨而不覺其枯眉目麤而不覺其重尤長寫貌

自署龍眠後身

畫髓元詮

無聲詩史

寧波府

志

圖繪寶鑑續纂

李芳蓀南匯人工人物通經史年八十外

南匯縣志

李著字潛夫號墨湖金陵人童年學畫於沈周每

倣吳偉筆善山水人物花木翎毛

圖繪寶鑑續纂

無聲詩史

金陵瑣事

李葵字誠伯上元人正德庚午舉孝廉見人繪畫輒能摹倣百物象貌無不曲盡無聲詩史金陵項事

李景字光遠號柯耕衢之西安人授禮部司務松竹有過庭章張廷端筆意工楷書畫史會要圖繪寶鑑續纂無聲詩史

李陽字海逸長垣人嘉靖中省祭官精畫理工翎毛長垣縣志

李源字小山又號松山上杭人工翎毛山水作風

雨歸舟圖筆氣瀟灑

上杭縣志

閩書記

李宗謨號小樵又號古枰子永安人與董其昌同時

工人物寫山水白描精緻秀雅

延平府志

閩書

李紹箕字懋承松江人爲鴻臚寺序班後改江西都

昌縣主簿從婦翁顧正誼學畫山水運筆蒼老

松

江志

李開芳字伯東號還素人稱鵬池先生閩永春人萬

麻癸未進士授部曹遷南京太僕歷兩廣藩臬遊
戲山水氣韻風生書法不減素師著天風堂集
建通志 書史會要 福

李存箕金陵人山水草樹骨法不凡爲能品
江寧府志

李士達號仰槐無聲詩史作仰懷吳人人物山水氣韻天然

萬麻間隱居新廓碧瞳秀腕舉體欲仙其論山水
有五美云蒼逸奇遠韻五惡云嫩板刻生痴人謂

深得畫理 吳縣志 無聲詩史

李芳字繼泉號湘洲泰州人嘉靖乙丑進士爲給

事中山水宗文待詔 畫史會要

李驥字次德麟之弟與兄藝同嘗渡錢塘負擔者
櫻其行李而去跡之無所獲乃想其貌而圖揭於
道同侶見而笑曰某也果得一時傳聞絕倒 寧波府志

李郡字士牧工人物士女爲王世貞許可 崑新合

志 無聲詩史

李西山曾繪古木圖 明書畫史

李孔修字子長廣東順德布衣自稱抱真子僑居省城觀眺山水歸必圖之畫猫辟鼠所寫禽鳥嘗遇火輒見其從烟火中飛去作詩寫字自爲一家好周易與陳獻章游破廬敗甑疏食不贍未嘗出戶或去遠近環視以爲奇物兒童婦女皆稱子長先生 渭崖集 嶺南詩選

李日華字君實號九疑嘉興人萬厯壬辰進士由制
科仕至太僕少卿畫亞於董文敏詩文奇古妙於
書精鑒賞張江陵竊柄彗星見下詔求言日華方
十歲竊爲應詔疏論陵十罪見者咋舌光宗登極
呈四款以佐新政爲人和易安雅恬於仕進嘉靖
乙丑生崇正乙亥卒年七十有一著官制備考姓
氏譜纂樵李叢談書畫想像錄紫桃軒雜綴畫媵
諸篇

明史王惟儉傳

圖繪寶鑑續纂

無聲詩

史竹巖畫勝 寧波府志

李石樓爲太守寫竹有書法 庸菴集

李肇亨字會嘉號珂雪又號醉鷗日華子精畫理片
楮尺幅如珙如璧書善摹褚 嘉興縣志 顧頌集

李流芳字長蘅號檀園嘉定人居常熟萬厯丙午舉
孝廉再上公車絕意進取山水清標寫生出入宋
元逸氣飛動爲人孝友誠信外通而中介少怪而
寡可與人交落落穆穆不爲翁翁然磨切過失周

旋患難傾身歷膚無所縋避家貧資修脯以奉母
稍羸則以分第交寒士視世之豎立崖岸重自表
暴者不啻欲唾棄之詩持澤在斜州香山間書法
東坡時雪漁何震以印章著稱流芳戲傲之遂爲
方駕真敏而多能也萬厯乙亥生崇正己巳卒年
五十有五著檀園集四明謝三賓知縣事合唐時
升婁堅程嘉燧稱嘉定四君子云

明史唐時升傳

明史藝文志

圖繪寶鑑續纂

無聲詩史

蘇州名賢畫像冊 容臺集

按圖繪寶鑑續纂作常熟人誤

李杭之字僧筏流芳子畫似其父 詩集小傳

李永昌字周生休寧人 無聲詩史作新安人 畫倣元人書宗董

氏守藏稱富有詩四卷名曰畫響音調清越皆闡

揚畫理者 徽州府志 無聲詩史

李 標銅仁人工山水能詩性耿介身居寺觀別無

他嗜日以揮毫彈琴自娛 貴州通志 畊硯田齋

筆記

李仲芳麟子能紹父藝同上

李茂枝永安諸生放情詩酒喜寫墨蓮尤精人物人

謂道子復生延平府志

李辰圖繪寶鑑續纂作宸字奎南四明人工翎毛圖繪寶鑑續纂畫史會要

李良字痴和閩中人善畫真蹟罕見同上

李遴字清之江都人善畫同上

李士寶南昌人曾爲右都御史善畫工詩以附宸濠

伏法無聲詩史

李萼麟從子得其傳亦工寫生寧波府志

李奇字正夫光澤人恩貢授教諭書畫並佳詩清新別致文章粹然有先正風格士多師事焉素履清潔溫恭之度使人可挹蓋篤行君子也光澤縣志

李元達晉江人善寫竹閩書

李鍾衡晉江人有畫譜作翎毛花石生趣非一狀呂

健稱其神腕工詩文

泉州府志

李赤福安人善畫書出遊繪思親望雲圖摺紳重之

福安縣志

李遇陰善畫

閩書

李儵山失其名泰州人善畫筆力甚老以澹墨致勝年八十猶能山水人物花卉禽魚一抹立成不假修飾建昌益王甚重之性亦樸實

邵武府志

國朝

李文纘字紹武靳人以諸生薦授兵部郎中善畫與
詩書稱三絕遨遊四方以老 結埼亭集

李蒞字山顏原名允升鄞人山水草蟲下筆有神
詩亞文纘 兩浙名畫記 甬上續耆舊集

李穎字箕山泰州人焦筆山水氣健而雅 圖繪寶鑑續纂
羅浮草堂集

李念慈字屺瞻涇陽人順治戊戌進士爲景陽知縣

詩畫皆擅時名

新城志

漁洋集

李藩字介人華亭人善山水人物

圖繪寶鑑續纂

李根字雲谷侯官人畫有遠致佛像極靜穆之致

工詩小楷得晉魏遺意精篆籀之學圖章通秦漢

註廣金石韻府

讀畫錄

印人傳

李采石許儀舅氏儀師其法

讀畫錄

李玉品江夏諸生墨竹生動有致

圖繪寶鑑續纂

李琪枝字雲連號奇峯日華孫邑庠生工畫傳家墨

梅墨竹與太倉王氏鼎足江東焉

畫徵錄

曝書

亭集

李含漢字南溟琪枝子山水濃郁豐潤與周熙載同

應靳文襄公輔之聘繪黃河圖進呈稱

旨兼長花卉草蟲

畫徵錄

畫識

李含淑含漢兄善畫

李含澤含漢弟善畫

李含挺含漢弟善畫

俱詳畫徵錄含漢傳

李

嶧字孔巖山陰人蘭竹巨幅小景瀟灑生動兼

善花鳥山水筆意高妙深得宋元神境

圖繪寶鑑

續纂

李希喬字遷子號石鹿山人歛人長於竹石人物工

篆刻鈎勒法帖斲竹鏤刻如寫生稱絕技

施愚山

文集

李華國字西池號竹溪老人江陵人康熙初武探花

師徐鼎山水名於時性情樂易卒年九十餘

畫徵

續錄郭士瓊傳

李能白字紅友鄞人工山水兼士女

鄞志

李 巒字亦山號秋池老人安陸人山水多水墨評
者在王翬下顧昉上浙撫曾以其畫進呈

御覽喜吟咏郡守察其孝友著鄉里以賢良方正薦
竟不赴卒年八十有七著有晚秋書屋快雨山房

邗上豫章諸集

鍾祥縣志

畫徵錄

庚子書畫

評

李爲憲字匡吉號巨山以旌德廣文擢通許知縣王
原祁甥法從舅氏一時有王李金曹四弟子之目
蓋謂王敬銘金明吉曹浩修與李也原祁染翰

禁廷

上詢代筆者以爲憲對蒙

獎賞不置居官時盜息圉虛有神君之號

崑新合志

玉峯新志 畫徵錄王原祁傳

李又弭字雪叟鎮洋諸生畫師營邱書法懷素性亦

高雅 鍾祥縣志

李 昌字爾熾號謹菴仁和人康熙庚午孝廉花鳥

草蟲如生有致 圖繪寶鑑續纂

李 棟字吉士號松嵐高郵人

圖繪寶鑑續纂作
字吉四興化人 康

熙壬午舉順天孝廉工小李將軍法少穎異性孝

友爲人豐頤厚體粹品兼才所著詩文甚富又善

篆隸 高郵州志 圖繪寶鑑續纂

李 栻字楷士號嬾真棟弟邑庠生善畫性恬淡不

慕榮利精隸書含茹古今人服其高致

高郵州志

李觀曾字泰巖號竹逸老人景州人候補部曹書畫

皆宗米氏法

已山先生文集

李恒修鍾祥諸生點染烟霞胸無塵濁

鍾祥縣志

李崧字靜山號芥軒無錫人花蘂蘆雁詩露天倪

先後與其妻吳及繼配薛隱居嘯傲涇相傳梁鴻
棲隱地也伉儷間自相倡和於名利泊然其詩簡
遠淡泊至有真味年八十餘目盲猶口占詩令其

孫書之有浣香詞 無錫縣志 歸愚文鈔

李應捷康熙戊子修邑志延捷繪邑乘諸圖 鉅野縣志

李炳旦字震男棟子康熙乙未進士平遠山水直追

摩詰詩宗蘇陸書類吳興都人稱三絕 高郵州志

李泰字佐民如皋人曾繪七寶瓔珞金粟如來妙相 如皋縣志

李鱣字宗揚號復堂興化人康熙辛卯孝廉授滕

縣知縣花鳥學林良不拘繩墨多得天趣

畫徵錄

鄭板橋集

李 岸字新之雲間人善花卉人物尤工寫照兼得

嘯旨高山吐音巖谷俱響

圖繪寶鑑續纂

梹亭

詩集

李 庚字長白侯官人善山水草蟲

圖繪寶鑑續纂

李良佐字癡和閩縣人善寫真工蘆雁

同上

李 紹字承方華亭人畫宗大痴之筆

同上

李 暉字白臣湖州人山水師關思

同上

李世倬字漢章號穀齋三韓人隸漢軍籍高其佩甥
仕爲副都御史山水人物得指授於王翬馬逸而
取法於吳道子花鳥果品得舅氏指墨而易以筆
故各臻其妙曾於奏事時特

命就臬塗精舍圖

御製詩意稱

旨褒獎時以爲榮工詩

熙朝名畫續錄

熙朝雅頌集

畫徵錄

讀畫閒評

李

穀字璞新安人初以張珏著名江右別開

至經年或作一幅

圖繪寶鑑續纂

畊硯田齋

記

李

山錢塘人善指頭畫

畫徵續錄朱倫瀚傳

按所見李山字紫琅林木清奇古勁馬得骨得肉
均有古法或疑爲金李山之筆然弇州山人集中

嘗云金李山祇有風雪松雪松杉圖今畫馬者當
是錢塘李山也

李序韓字源漢漢陽人善花鳥

湖廣通志

李美字景仙工人物尤善馬

延平府志

李治運字寧人號漪亭吳江人雍正庚戌進士授刑
部主事安徽浙江按察使寫蘭得子昂法有總戎
某參劾大臣事尙書以下皆欲置某重典治運力
援正律事得平反督學山東每試士必手著一篇

以示程式在安徽則嚴禁強悍民懷吏畏之浙江
必審辨情實與可矜者又爲海口立法稽查船隻
出入浙東嘉湖水旱道路游匪必嚴詰以安行旅
而巡撫某竟劾其迂緩沽名遂以養母乞歸與二
三友朋以論文說詩爲樂康熙庚寅生乾隆辛卯
卒年六十有二有漪亭集 袁枚撰墓表 江寧續
志稿 延平府志

李方膺字虬仲號晴江又號秋池江南通州人雍正

時以諸生保舉爲合肥縣松竹梅蘭及諸小品不
守矩矱筆意在青藤竹憨之間尤長大幅有士氣
居仕途明吏術凡休戚國利民生遺老嘉言俱能
津津言之居官有惠聲

畫徵續錄

書畫紀畧

小倉山房文集

李 增泰孫克荷家學復參北苑乾隆庚午修邑乘

延繪圖焉

如皋縣志

李兆年莆田人康熙己酉武科工書畫

莆田縣志

李長熙字師禹號天倚永安人工繪事善書法其肇
窠大字尤佳人亦謹樸當代重之

延平府志

李應熊長熙弟邑庠生承其藝

同上

李萬山仙遊人工寫照一日方攜牋出門適新縣令
彭之曇來請謝以事不應徑入前令蕭系閱館中
曰願爲公寫照數筆極肖蕭贈以物不受噉數荔
而去

仙遊縣志

李清冕字嘯梅安溪人寓居郡城足有疾人稱拐仙

工書畫嘗爲人作花籃百幀花瓶百幀各插奇花

異卉鮮麗奪人一時稱絕又喜吟咏

閩雜記

李立志字安禮常熟人善寫竹

虞山畫志

李棠字杜詩常熟人工人物早卒

同上

李樹穀字季方號東川晚號方翁夏邑人乾隆辛卯

孝廉爲祁陽知縣寫山水寥寥數筆自足生趣篆

刻直逼秦漢詩亦氣清詞正居官有惠聲去則兩

袖風清賣研以食有東川集

懷舊集

李通理字位清樂明老宿工寫蘭竹學問深邃行誼

高潔

墨香居畫識

李倫字志良號笏溪生婁縣人山水人物花卉善

寫真乾隆乙巳卒

同上

李巖字築夫號南山青浦人初業漆工爲人綵繪精巧過人得值倍於常工悔云吾瘁心力徒供俗子玩耳名烏能傳吾十指自有所托改學畫善寫真工人物花鳥尤長棧道及驢馬之屬用墨濃密

名噪一時

墨香居畫識

明齋小識

李三畏字吉六號柏阜海門人墨竹清灑可愛設色山水工雅掩潤及墨龍香火畫人多藏弄以爲榮談古今逸事能傾座客居青浦數月潤筆不乏一夕被偷兒罄盡笑曰我正厭阿堵物此賊正是知己耳

同上

李振揚字少雲泉州人山水如入詩意

墨香居畫識

李秉德字蕙紉號涪江自稱龍池山人吳諸生以獻

畫供奉

內廷得官鹽場善山水花卉賦色鮮麗踈老秀逸迥
非尋常畫流所及乾隆丁巳生嘉慶 卒年七

十有

同上

李祥鳳號曉江太倉人乾隆時孝廉工山水

同上

李敬謨字思耕江南通州人鈎勒花鳥蟲魚頗推雅

妍善行草工詩

同上

李 良字寧士吳人學畫於張宗蒼

同上

李 點字撰春無錫人僑居吳門爲寫真高手 同上

李昌泉字復琦號海若鄞縣武舉指畫古雅不俗 同上

李蟠根字屈菴丹徒人花卉疎老 同上

李 馨字小霞常熟人韶年天資超妙山水灑落如意 同上

李 璽字蘭亭善飲因號醉馨子如皋人墨竹宗石室老人幹秀勁而葉森密縱橫清逸綽有師範巨

幅多作溪隈谷口清泉淙淙峭石兀立令人有渭川淇澳之思瀟灑不慕榮利

讀畫閒評

李敬思號紉齋又號癡道人居江南寄籍順天以館敘官新會縣牛肚司巡檢畫石最佳竹次之花木又次之山水人物亦能

同上

李鏞字山濤嘉興人善山水畫蘭法何其仁能取其長而滌其習兼精金石篆刻

畫徵錄

兩浙名

畫記

李 爽美子能世其藝 延平府志

李鵬翼字君搏解州人乾隆時修州志為繪圖焉 解州志

李 寅字白也江都人畫法唐宋與蕭晨齋名作桃

花楊柳稱神品 江都縣志 圖繪寶鑑續纂

李 山鄞人以寫生擅名 寧波府志

李翊如字祚銘江都人工山水 揚州畫舫錄

李 勉字嘯村安徽人工花卉翎毛善書 同上

李頌石泰州人工詩畫

同上

李澍字尉千號漁莊工詩畫

同上

李邦熾號珊洲又號研石山樵吳人工山水

耕硯田

齋筆記

李宗埴字範方號曉曇又號珊崖長洲人候選鹽場

山水雅潤有志惲氏亦寫蘭竹書法唐人與高爽
相埒兼學漢隸工詩詞好金石乾隆庚戌生道光
壬午卒年三十有三惜未得大成多蓄古銅鏡錢

著錢譜數卷 同上

李 福字備五號子仙吳人嘉慶庚午孝廉就職州
同喜寫墨蘭書有歐褚骨力草書宗十七帖工詩
文詞賦蕭然絕俗似非吃人間煙火食者乾隆

生道光 卒年 十有 同上

李 綺善雪景 同上

李 榮字散木仁和人與張莘爲書畫友遂宗其法
工山水花卉 同上

李 憲字長康桐城人畫品高遠平淡有追踪荆關

之稱書法二王工詩

安慶府志

李 亨字仲仁無爲州人花鳥蟲魚絕妙

廬州府志

李容讓字聖輝無爲州人乾隆己酉孝廉山水得北

苑遺意工詩

無爲州志

李宗白

鳳陽人工山水善刻印章

鳳陽縣志

李方岳

太和諸生尺幅山水烟雲縹緲莫可

端倪

潁州府志

李翰杭人本回回善畫蒲桃

畫林新詠

李宗繁字芝圃仁和諸生工畫馬長人物花卉

全上

李宗淮臨川人八齡解畫竹石作擘窠書

全上

李馥吳人錢杜青衣爲主入代筆莫辨

全上

李應占字南人海鹽人道光辛巳舉制科善梅蘭兼

擅擘窠書及篆隸飛白有小方仙館

時鈔明硯

齋筆記

李邦焜字蘭谷邦熾兄善畫工書

全上

李寅字聽松榮子邑諸生能繼家學

同上

李瑤字寶珠吳縣人山水秀韻深得五峯筆意書

法甌香工詩

同上

李錦眉號若雲巢縣人山水空濛浮動出自天然人

物亦佳

同上

李烺字壇石南雄諸生山水學子久並工詞翰

刻

光樓筆記

李元開字春田山陰人寓廉州花卉翎毛精撫甌香

同上

李樸字夫木號雪齋吳中朝真觀道士號紫中道人揮染妙絕一時善書工詩順治乙未掛瓢於甫里圓白堂康熙庚戌羽化私諡冲夷先生

吳縣志

甫里志

李體德字近仁號補樵吳之穹窿山道士工山水

墨

香居畫識

歷代畫史彙傳卷四十四目錄

紙韻

紀

真

宋

叔維明

大復本朝

水邛覽雲

宋

語韻

呂

堯

唐

彥

昂

漸

宋

元亨

拙

源

仲元

需明

端俊

敬甫

紀

文英

鳴珮

芝

定僧

棠

潛本朝

律

學

猶龍

華

佐

啟哲

煥成

琮

元暢

茝

琛

光復

星垣

元

鈴

璜

翔

培

慧

渭

訒

琨唐

道寧宋

中正

廸

龍湫

澤山元

舟明

如圭

俊

端

宏

昂

伯明

縉

通

寶

九枝

尙友

雪梅

至震

儀

夢龍本朝

琅

友

容

縵

遇

宏環

維欽

宗渾

慧

允中

濱

謙

均

與國

遠

山

永

從龍

濤

鶴

益

天祐

行健

頴

嶠

無偏

樹恩

佑

淳

拭

光宗

光治

宗

叟聚

鏞

廷錄

源

國柄

庭堅

楫

龍

濱

希仲

以地

乃穀

士芬

生植

恩溥

尙遠

守仁

惠

仁年

褚靈石 宋

冰壑 元

素民 明

勛

廷琯 本朝

廣韻

祖班 魏

自宏 本朝

杜緬 陳

景祥 唐

宗敬

牧

庭睦

秀才

宗

韜 南唐

子壤前蜀

缺題

敬安後蜀

措

宏義

霄五代附錄

歷代畫史彙傳卷四十四

長洲彭氏

紀

宋

紀

真山水逼真范寬

圖畫見聞志

圖繪寶鑑

明

紀叔維以字行善墨菊

陳庶子秀民詩

國朝

紀大復字子初號半樵又號迷航外史上海人善山水工隸書尤長鐵筆有靈萍詩二卷乾隆壬午生道光辛卯卒年七十

畊硯田齋筆記

水邛

宋

水邛覽雲

浙志作水江覽

杭人效米家山水逼真又善寫照

浙志

杭州志

圖繪寶鑑

呂

唐

呂

冀京兆人尹繼昭弟子僖宗朝翰林待詔隨駕

至蜀授將佐郎守漢州雒縣主簿賜緋魚袋善道

釋人物

益州名畫錄

圖畫見聞志

圖繪寶鑑

呂

彥廣陵人善畫

呂溫集

按文苑英華作李該呂溫地里志圖序作今姓名

今並存之當攷

呂 崑字洞賓舉進士嘗游羅浮山至一小菴值道士他出獨一小童子在前に揖曰先生在此乎遂竊道士酒以獻洞賓引滿使小童盡其餘童若不屑童素患目盲內障洞賓以所餘酒嚙其目忽然開助如素無翳者乃取筆畫一山於壁山下作池三口謂童曰汝飲我酒卽得仙矣不飲命也然亦當享大年言訖飛去石壁隱去及道士歸見所畫山澈壁內外大驚曰山下三口乃崑字非呂先生

乎後童百有五歲終

江湖紀聞

羅浮山志

卅

硯田齋筆記

宋

呂漸洛陽人釋像威儀雄偉山水寔石深得位置

圖繪寶鑑

呂元亨金陵人工花鳥

圖繪寶鑑

呂拙開封人至道中畫院祇候授翰林待詔不就
願爲本官道士仍得賜紫畫屋木絕妙又能映帶

池塘但人物傷繁耳 宋朝名畫評 圖畫見聞志

圖繪寶鑑

呂源工花鳥 圖繪寶鑑 畫史會要

元

呂仲墨竹學李衍 書畫史

明

呂需字時行號水山杭州人性嗜畫不輕爲人作折枝像生恍如神授書法鍾王於書無所不窺名

燥公卿竟爲

慘剥膚不顧忌也耳順之外不冠不裳玩弄世故

蛻化之時真聞異香

聖訓元詮

呂端俊善畫竹

畫史會要

呂敬甫毘陵人草蟲師也

同上

呂紀字廷振鄞人宏治間供事仁智殿爲錦衣指揮使工翎毛間作山水人物設色鮮麗生氣奕奕時極貴重應詔承制多立意進規孝宗嘗稱之曰

工執藝事以諫呂紀有之
圖繪寶鑑續纂 無聲

詩史 藝苑卮言

呂文英括蒼人孝宗時以指揮同知直仁智殿人呼

爲小呂工人物
居東集

呂鳴珂字聲甫號蒼南文英孫嘉靖乙未進士仕至

工部侍郎贈尙書以丹青擅名間一染翰人爭寶

之置之米王兩君子間著太常記
明史藝文志

呂 芝隆萬間人工人物花草
珊瑚網

呂定僧纖禽香草陸離偃蹇有青蚪白螭之氣

旅堂

集

呂棠字小村鄞人工翎毛

圖繪寶鑑續纂

國朝

呂潛字孔昭號半隱又號石山農遂寧人僑居泰

州崇正癸未進士官行人甲申後不仕花草放縱

不越矩獲善書工詩著懷歸草堂守閒堂課耕樓

三集

畫徵續錄

畫識

笠亭詩話

呂律字賡六浙江石門人徙吳江粗筆寫道釋人物奇崛生動工隸書能詩詞有天涯草

震澤縣志

袁樸菴集

呂學字時敏號海山烏程人工人物佛像及駝馬

兼善山水

畫徵錄

圖繪寶鑑續纂

呂猶龍字雨村三韓人爲福建浙江巡檢山水得倪

黃法復有婁東氣韻

畫徵錄

呂華字文厚號南崖吳人墨竹風晴煙雨各得其

韻 在亭叢稿

呂 佐字西俞號卓亭休寧人工畫金魚燦然欲活
每自珍惜不輕與人積成跋語數卷題曰在藻集
畫徵錄

呂啟哲字厚穎崑山諸生嗜酒酣後寫人物得天趣
善書 見新合志 畫識

呂煥成字吉文餘姚人善人物花卉 圖繪寶鑑續纂

呂 琮字又周花卉入能品 婁縣志

呂元暢字愷君號斐園常熟人山水人物筆姿秀潤

卒年三十有八

常熟縣志

呂 蒞字芳生無錫人山水秀潤筆參五峯石門之間
耕硯田齋筆記

呂 琛字曰崙太倉人工翎毛花卉

同上

呂光復字雨純號石農陽湖人乾隆庚子

召試舉人補內閣中書善寫山水嘗自題云雲林雲
西皆以冲淡勝叔明一彙諸家之長人品靜躁之

分於此可見卽此數語可想見其趨向之方正矣
墨香居畫識

呂星垣字叔訥武進明經爲直隸贊皇知縣花卉學

徐渭工詩詞

同上

呂元字耕畬吳人工山水人物善草蟲

同上

呂鈐嘉興人工山水

同上

呂璜字渭占號耘陶崑山人寄跡吳門善人物山

水

同上

呂 翔字子羽號隱嵐順德人花卉瓜果擅絕一時

劍光樓筆記

呂 培字荔帷翔弟寄籍廣西嘉慶己卯孝廉善蘭

竹工隸書

仁宗東巡進畫冊

賞給緞匹 同上

呂 慧字定生宣城人工人物花卉 寧國府志

呂 渭字名世 善人物 畊硯田齋筆記

許

唐

許

琨善寫貌開元中常在內廷畫人物海內知名

歷代名畫記

圖繪寶鑑

宋

許道寧河間人

宜和畫譜圖繪寶鑑作長安人

官著作佐郎學李成

頗得其氣峯巒峭拔林木勁鯁別成一家工詩

宜

和畫譜

宋朝名畫評

圖畫見聞志

畫史

畫史彙傳
圖繪寶鑑 宋詩紀事

許中正蜀人工鬼神龍入神品 圖繪寶鑑補遺 丹
淵集

許迪毘陵人草蟲師居寧作黃花紫菜妙臻神品
毘陵志 圖繪寶鑑

許龍湫江南術士山水師米元暉設色清潤自成一
家 圖繪寶鑑

元

許澤山工神佛 圖繪寶鑑

明

許舟字子載浙江石門人山水倣黃公望盛懋

皆逼真 石門縣志

許如圭洪武時人作畫如作字點綴清妍極有風致

劉棖翁集

許俊金陵人畫釋道人物 明書畫史

許端 書畫史 工畫龍 書史會要 明書畫史

許宏字宗道建安人山水花卉皆臻其妙工詩文
隱於醫卒年八十有一著醫方通元錄南窗草錄
建寧府志

許昂字世暉梅花清楚不俗畫史會要無聲詩
史

許伯明莆田人與林良同時被召爲文思院副使善
寫花鳥竹石八閩通志書畫記

許縉字尙文工山水金陵瑣事

許通畫牛可亂戴嵩晚年專工佛像無聲詩史

金陵鎖事

許寶萬厓初南直隸人山水細石短樹千巖萬壑
攢簇而成大幅秀勁畫史會要

許九枝隆萬間工山水珊瑚網

許尙友圖繪寶鑑續纂作尙友金陵人工山水無聲詩史

許雪梅臨淮人善草蟲花鳥鳳陽府志

許至震字東山嘉善人寫真得虎頭之神嘉興府志

許儀字子韶號鶴影子又號歇公無錫人官中書
窮舅氏李采石技軼出其上山水人物界畫花鳥
蟲魚無一不善沒骨點綴得徐熙法能寫照花下
印章每以手畫成真絕技也善篆籀圖章尤通醫
理卒年七十有一著詩集甚夥

崑新合志 圖繪

寶鑑續纂

無聲詩史

讀書錄

國朝

許夢龍字滄溟善畫

崑新合志 潘徵傳

許 珏字瑞玉善畫 同上

許 友又名友眉

讀畫錄又作有眉

字有介號颺香侯官人

孝廉不仕畫竹枝葉不殊有幽致枯木寒鵲蒼涼之態不可逼視工書其爲詩篇不襲前人時稱三絕書畫悉喜臨摹米襄陽構米友堂辨香祀之著米友堂集 福建通志 圖繪寶鑑續纂 讀畫錄

靜志居詩話

按圖繪寶鑑續纂以許友許眉作二人疑誤當攷

許容字默公如皋人曾官閩中善山水及著色芭

蕉諱而不作六書小篆圖章不讓秦漢

圖繪寶鑑

續纂 墨林韻語

許縵字曼若號安荪華亭人畫學雲林詩宗放翁

與兄經詩文爲一時之冠

圖繪寶鑑續纂

許遇字不棄號花農一字真意號月溪友子爲陳

留知縣祖父俱善松石遇尤勝多作巨幀工松石

梅竹名流爭寶之詩得王士

禛派卒於官著紫

藤花館詩集

福建通志

福州府志

畫徵錄

鰲尾續集

全閩詩錄

許宏環字眉叔號我堂華亭人山水得天然一種趣

味

圖繪寶鑑續纂

許維欽字蒼嵐太康人隸旗籍康熙己卯舉孝廉爲
樂昌知縣山水宗董巨法詩文書俱可觀

畫徵錄

許宗渾字箕山青浦布衣山水法叔明善書工詩

青

浦縣志

今畫偶錄

許 慧字念因號笑仙秀水人寫意花卉合山泉舜
舉而成家疎老可嘉每寫長草葉作一轉若結者
頗別致點綴草蟲亦生動兼業醫 畫徵續錄

許允中字公立工翎毛尤善鬪雞 高淳縣志

許 濱南徐人畫入神品 道古堂集

許 謙字在亭張鶚弟子工寫真兼工花卉 婁縣志

許 均字叔調號雪村侯官人康熙戊戌進士以庶
常 吏部主事擢郎中許氏以三世詩書畫名均

克承家學在官嚴正有重望與人交久要不忘著

雪邨集 福建續志

許與國海澄人工山水花鳥 海澄縣志

許遠字程意臺灣諸生性高正工書畫 臺灣縣志

許山字山如號青浮常熟人仕爲兵部員外喜寫

秋蟲病蝶落雁寒蟬以寓意工詩不求仕進年近

九十卒著素瓢集 常熟縣志 海虞詩苑

許永字南郊號在野山予出入北宋諸家與文沈

異派同源寫生娟秀詩宗晚唐卒年七十有四常

熟縣志 虞海詩苑 堯峯文鈔

許從龍字佑王嘉善人居常熟仕爲通判山水花鳥得宋元法釋道不資粉本有所繪五百羅漢藏虞

山常熟縣志 昭文縣志

許濤字巨源號藕村永從弟花鳥似之能書工詩虞山畫志

許鶴字雲路常熟人善山水同上

許益字晦叔號在阿濤子畫筆秀潤博學工詩善

草篆

同上

許天祐字六如精繪事工詩

同上

許行健字政夫號白邨常熟人與楊晉交好因學作

畫兼寫花卉少卽以詩文名

同上

許穎字逸人常熟人工山水

常熟縣志

許嵎字暘谷後改名徹號菽亭山子寫梅得逃禪

老人法工詩有集

海虞詩苑

許無偏字穆之常熟人工花鳥

虞山畫志

許樹恩字蒼霖常熟人善花鳥

同上

許佑字辟塵一字弼臣號翼菴常熟人供奉

內廷善花鳥工詩卒年九十餘

同上

許淳字古初號吟亭常熟人寫竹師仲姬間作花

卉

同上

許拭字懷庚淳子邑諸生能寫蘭吟詩

同上

許光宗號補齋常熟人花鳥柔媚野蘆羣雁

四培

王廷音爭席

同上

許光治光宗兄能鈎染花卉

同上

許宗字覲文號語溪常熟人善山水花卉蘆雁小景

畫名家錄

許巽聚字燮堂常熟人善花鳥

虞山畫志

許鏞字蘭谷山陰人墨竹師道昇蘭葉師所南脫去時習秀骨天成摹青籐書畫能亂真祖父皆以詩名作詩清雋不凡能鑒別金石工篆隸真草書

性嗜酒家貧不繼每以舊紙摹青籐尺幅質金可供旬日之酣晚年棄儒入釋

讀書隱評

許廷錄又名逸字升聞號適齋常熟人畫山水花卉兼寫竹深求字學詩律又喜填詞度曲卒年六十有五著東野軒集

柳南集

許源字大泉江寧人爲河南武安知縣善梅蘭竹菊

墨香居畫識

許國柄字掌衡嘉定南翔人喜翰墨善寫生敦友誼

同上

許庭堅字鄰石號次谷食餼金匱山水秀逸出自天成性疎懶敦逼不應與到揮灑至廢寢食著忍古

齋詩文稿

同上

許楫字午橋號麓緣甘泉人僑寓楓鎮得畫法於閻世求花卉翎毛工緻妍雅

同上

許龍寶山諸生乾隆丙寅會修縣志與沈見同繪圖焉

寶山縣志

許濱字谷陽號江門丹陽人畫八神品
揚州畫舫錄

許希仲字默癡松江諸生太史寶善子工花卉
蜨隱

園書畫雜綴

許以池字竹香吳人書畫悉遵甌香筆意
畊硯田齋

筆記

許乃穀字玉年錢塘人道光辛巳孝廉
知

縣山水宗華亭秀潤清腴墨梅法陳洪綬活潑堅

勁同上

許士芬

無錫人設色蘭竹點綴坡石筆具書

卷風味

縣視田齋筆記

許生植字逢吉祁門人年十一父玠殉難不求聞達

作畫自娛以養節概作松石尤妙

祁門縣志

許恩溥字兩堂六安州人食餽於庠工畫善書有留

紅館集

六安州志

許尙遠字文羽黟縣人書畫皆宗襄陽博覽群書工

詩晚號補峯因名其集

影縣志

許守仁

善畫 鳳陽縣志

許惠字德孚號殤靈子

善藏墨人物 明視

田齋筆記

許仁年字寧靜號澹居上元飛霞閣道士善寫蘭墨

菊有韻致愛吹笙

莫愁湖志

墨香居畫識

褚

宋

褚靈石善畫

畫後品

圖繪寶鑑

元

褚冰壑善畫牛

此山集

明

褚素民崇正時善圖詩意

珊瑚網

褚勛字叔銘長水人山水宗文氏

無聲詩史後跋

國朝

褚廷琯字研民嘉興人豪情逸致以書畫名於時

浙名畫記

祖

魏

祖

班東魏人善畫


三國典畧

圖繪寶鑑

國朝

祖自宏號東郊康熙時人善設色牡丹

畫名家錄



仕

陳

杜 緬爲員外散騎常侍宣帝使圖毛喜母墓田親

與緬按圖指畫

南史毛喜傳

唐

杜景祥善寫貌筆蹟類孟仲暉

歷代名畫記

圖繪

寶鑑

杜宗敬文宗時工釋像樓臺人物山林花鳥

白長慶

集

杜牧字牧之京兆萬年人第進士舉賢良方正會
昌中中書舍人繪唐文皇蘭亭洵爲一代甚美性
剛直有奇節不爲齷齪小謹敢論列大事指陳利
病尤切善屬文通古今善處成敗年五十自爲墓
誌悉取所爲文章焚之於詩情致豪邁人呼爲小
杜行草氣格雄健貞元癸未生大中壬申卒年五
十唐書本傳 宣和畫譜 畫史

杜庭暉畫道釋人物喜寫故實風神氣骨別有會心

宣和畫譜 圖繪寶鑑

杜秀才畫立走水牛 圖繪寶鑑補遺 顧逋翁集

杜宗河南人工佛經變 圖繪寶鑑補遺

南唐

杜韜京兆人深得其師衛賢之要 圖繪寶鑑

前蜀

杜子瓌字懷玉成都人 宣和畫譜圖繪 寶鑑作華陰人 工佛道圓光

自謂得意非丹青家所及傳彩別得其方

宣和畫

譜 國畫見聞志 益州名畫錄 成都古寺名

筆記 蜀中畫苑 國繪寶鑑

杜觀龜其先本秦人避安祿山亂居蜀爲翰林院待

詔賜紫金魚袋始師常槃後自成家工道釋兼寫

真少博學涉獵經史

宣和畫譜

益州名畫錄

成都古寺名筆記

國繪寶鑑

後蜀

杜敬安子瓌子

圖畫見聞志圖繪寶鑑作觀龜子

為翰林待詔美繼

父蹤妙於佛像尤能傳彩

圖畫見聞志

益州名

畫錄

杜

措

圖畫見聞志宣和畫譜圖繪寶鑑作措

成都人幼慕李昇山水

作枯木斷崖雲岫岫之態思致頗遠圖寫昔人

詩意兼長道釋神仙

成都志補

宣和畫譜

益

州名畫錄

圖畫見聞志

圖繪寶鑑

杜宏義小字老朱蜀甘肅原人工佛像羅漢

益州名

畫錄 圖畫見聞志 圖繪寶鑑

五代附錄

杜 霄士女富於姿態妙得周昉之旨尤工蜂蝶妙

在粉筆約畧間 宣和 譜 圖畫見聞志 圖繪

寶鑑

歷代畫史彙傳卷四十五目錄

寶韻

杜

衍宋

大春

孩兒

文金

錡

本元

士元

瓊明

堇

君澤

大成

芳

之策

庭珠

元禮

冀龍

大綬

復本朝

蘅

賢鳳

正華

曙

亮采

夢蘭

鰲

元枝

武靜藏

唐

宗元

宋

岳

洞清

克溫

道光

元直

金

伯英

光輔

明

丹

本朝

進功

魯

莊

宋

之茂

宗貴

治

明

憲學

得之

本朝

介

鼎

唯

如濤

璵

伍

元如

元

槃

明

福霑

瑞隆

思業

本朝

長齡

長華

長恩

長松

長馨

福

堵

簡元

信卿

炳明

鄔

昆明

希文

本朝

士諤

浦

源明

融

鯨

湘本朝

基

禹之鼎

本朝

宇文

肅唐

薺韻

米

芾宋

友仁

萬鍾明

漢雯本朝

洗

仁傑宋

歷代畫史彙傳卷四十五

長洲彭蘊璣朗峯編

宋

杜衍字世昌山陰人大中祥符中擢進士甲科仁
宗時官集賢殿大學士初以太子少師致仕後進
太子太傅封祁國公工畫善爲詩正書行草皆有
法自少好學初罷鳳翔府民邀留境上曰何奪我
賢太守也又嘗平反冤獄爲治謹密不以威刑督

責而吏民畏其清整好引薦賢士而沮止僥倖清
介不殖私產年七十請還印綬致仕凡十年第宅
卑陋居之裕如憂國之意猶慷慨不已戒其子努
力忠孝自作遺疏其畧曰無以久安而忽邊防毋
以旣富而輕財用宜早建儲副以安人心語不及
私太平興國戊寅生嘉祐丁酉卒年八十贈司徒
諡正獻

宋史本傳

石林詩話

歐陽文忠公集

杜夫春蜀人善畫梅

止齋集

杜孩兒開封人宣政間畫院衆工必轉求其筆以應

宮禁之須

畫繼

圖繪寶鑑

金

杜文字華老雲中人工山水

圖繪寶鑑

畫史會

要

杜錡金州人爲宣政詳穩官善畫馬

繪事備考

元

杜本字伯原

或作原文

清江人學者稱爲清碧先生隱

武夷山文宗徵之不起右丞相脫脫以隱士薦召
爲翰林侍制稱疾固辭致書於丞相遂不行墨牛
葡萄甚可觀善山水沉靜寡欲尤篤於義天文地
理律數靡不通究博學善屬文楷書結體精嚴工
篆隸有所編五聲韻自大小篆分隸真草以至外
番書及蒙古字靡不收錄至元丙子生至正庚寅
卒年七十有五著四經表義六書通編十原等書

元史本傳

圖繪寶鑑

畫史會要

輟耕錄

按疑年錄考正正三年脫脫以隱士薦授翰林侍
制至杭州疾篤辭歸是年卒則又當生於至元六
年己巳卽宋咸熙五年也

杜士元字元甫學郭熙道勁朗暢而有逸氣

東圖元

覽

明

杜瓊字用嘉世稱東原先生又號鹿冠道人吳人
爲明經時求賢詔下有司兩薦之皆不就讀書無

所不通旁及翰墨皆精山水倣北苑叔明亦工人
物善書好爲詩文生一月而孤性至孝痛父早亡
從人問知其儀客往往以諸夢寐以父名玉終身
諱之刲股愈母疾有司將上其孝辭曰此豈得已
耶惟母節未白可念耳遂旌其母家貧道尊貞淡
冲和粹爲邱壑之表洪武丙子生成化甲午卒年
七十有九門人私謚淵孝著東原齋集紀善錄耕
餘雜錄

圖繪寶鑑續纂

無聲詩史

丹青志

吳中往哲像贊

吳寬撰表

蘇州明賢畫像冊

震澤集

按疑年錄考吳中往哲記云年八十一名賢小記
無聲詩史皆云八十未識何據圖繪寶鑑續纂作

諡安考疑誤今據吳寬撰表

杜

堇

畫史會要作
陸堇改姓杜

字耀南有櫟居古狂青霞亭長

之號丹徒人成化中占籍京師舉進士不第絕意
進取山水樓閣人物草木花卉鳥獸無不精妙時

稱白描第一手所寫樹石又能作飛白體羣書罔

不涉獵爲文奇古詩精確通六書

畫史會要

圖

繪寶鑑續纂

無聲詩史

藝苑卮言

杜君澤字小癡蘇州人流寓高郵工山水善楷書

圖

繪寶鑑續纂

無聲詩史

杜大成字允修金陵人

圖繪寶鑑續纂作吳人

自號山狂生人

亦以稱之善禽蟲花木又嗜聲詩工音律掃除一

室焚香酌醴以待天下之士

同上

杜芳字若汀杭州人仕劉都衛畫做大癡叔明兼
工書爲人毫邁不羈

畫體元詮

杜之策字如房京口人工諸家山水

同上

杜庭珠字怡谷秀水人官知縣工山水錫山杜庶常
紫綸春日得句云落花人獨立微雨燕雙歸庭珠
卽以詩意繪圖相贈輦下名流稱爲雙絕

德門隨

意錄

杜元禮隆萬間吳人山水力追文沈唐三家善小楷

珊瑚網 書髓元詮

杜冀龍字士良山水宗沈周 畫史彙要

杜大綬字子紆吳人山水頗有逸趣兼精端楷年七

十外書華嚴經八十一卷藏天宮寺 無聲詩史

彭行先跋 畊硯田齋筆記

國朝

杜復浙江人善傳神天啟丙寅周忠介公順昌被逮啟行文文肅公震孟慮其必及於難卽邀復爲

寫小影亡酉復又爲徐九一繪訓子圖於南都歿

於順治間

文文肅公日記 畊硯田齋筆記

杜蘅字芳洲寓廣州工人物寫生

劍光樓筆記

杜賢鳳字洛川廣州諸生花卉筆致超逸

同上

杜正華字萼光東陽諸生工畫竹好吟咏無子盡以

已田助宗祀並立親賢別廟其獨行足記者

兩浙

名畫記

杜曙字旭初杞縣人舉鄉飲大賓善水墨花草有

徐渭風兼長山水寫白衣大士亦雅秀性孤高狷

僻年八十餘

畫徵錄

杜亮采字巖六上海人仕爲垣曲知縣山水有董文

敏趙文度二家法冲和潤澤爲時所稱工詩

華亭

縣志

國繪寶鑑續纂

畫徵錄

松江詩徵

杜夢蘭字玉振婁縣人工鈎勒花卉善寫真

墨香居

畫史

杜鰲字海山號一齋金華選拔貢生指墨山水花

卉極精雅畫石亦妙工詩善書

同上

杜元枝字友梅長洲人善工細人物乾隆戊子入都

直

內廷曾繪十八學士登瀛洲圖筆甚工綴旋假歸卒

於家

同上

武

唐

武靜菴畫鬼神有氣韻

歷代名畫記

圖繪寶鑑

宋

武宗元初名宗道字總之河南白波人世業儒官廬
曹外郎道釋像攻吳法行筆如流水神彩活動如
草書奇作也景德末營玉清照應宮募天下畫流
逾三千數宗元爲左班之長不常奮筆雖貴人名

臣踵門求之未嘗肯諾

宣和畫譜

宋朝名畫評

圖事

九聞志

圖繪寶鑑

樂城集

武岳長沙人學吳生人物尤長天神星像用筆純

熟畫史
圖繪寶鑑

武洞清岳子道釋人物善戰掣筆作髭髮尤工佈致

落筆神妙不俗

宣和畫譜

圖畫見聞志

畫史

圖繪寶鑑

武克溫紹興間上京人丁番馬

圖繪寶鑑

武道光錢塘人東太乙宮道士能作花鳥窠木竹石

杭州志

圖

頁鑑

金

武元直字善夫明昌名士畫有朝雲曙雪等奇作圖

繪寶鑑

畫史會要

淦水集

武伯英崞縣人少舉進士官至觀州同知工山水雜

畫有詩名

圖繪寶鑑

遺山集

明

武光輔江寧人。至孝。以母老不仕。好遊畫。竹自娛。
不爲人強。江寧府志

國朝

武丹字衷白。江寧人。山水清勁不苟。畫徵續錄

武進功字凌雲。山東人。牡丹法宋人。畊硯田齋

魯

宋

魯

莊杭人乾道間祇應備內司工人物

杭州府志

圖繪寶鑑

魯之茂號雪村海鹽人寧宗時仕爲郎善畫

平湖縣志

志

圖繪寶鑑

畫史會要

魯宗貴錢塘人紹定畫院待詔花竹鳥獸窠石描染

極佳尤長寫生雞雛鴨黃最有生意

圖繪寶鑑

畫史會要

明

魯 治號岐雲東吳人花竹翎毛落筆瀟灑精巧活

潑 圖繪寶鑑續纂 無聲詩史

魯憲學字爾章南漳人崇正中領鄉薦博學善書畫

又善屬文工詩 湖廣通志

國朝

魯得之字孔孫號千岩錢塘人僑寓嘉興爲李日華

入室弟子墨竹有玉局風晚年右臂不仁左手畫

風竹尤有致書法歐顏嘉興府志秀水縣志

圖繪寶鑑續纂 畫徵錄

魯 介字南宮金陵人善蘭竹花卉圖繪寶鑑續纂

魯 鼎字式和山陰人花卉草蟲有宋人風致同上

魯 唯字悟先武林人善畫鹿同上

魯 如濤字仲山山陰籍大興人工畫同上

魯 璵字星村懷寧明經善畫三書有星村詩鈔管

窺集瑣事合編

懷寧縣志

伍

元

伍元如延平人山水愛作煙雲出沒竹木變怪之勢

福建續志

明

伍槩字庭節臨川人寄祿中書科善花竹翎毛圖

繪寶鑑續鑑 無聲詩史

伍福霑清流人隱蓮花山山水效沈周工書詩不喜

靡麗

福建續志

伍瑞隆字鐵山香山人天啟辛酉解元仕至觀察善

寫牡丹工書

廣東通志

漁洋感舊集

劍光樓

筆記

國朝

伍思業字恒甫號岩築江寧人山水得董雲樵指授

墨香居畫識

伍長齡字仁英江寧明經善著色花卉翎毛兼行楷

書 莫愁湖志

伍長華字雲卿上元人嘉慶甲戌

殿試第三人今官天津鹽運使善寫意花卉兼行楷

書 同上

伍長恩字芝山長華昆季國子監學正善寫花卉兼

行楷書 同上

伍長松字侶喬長華昆季邑諸生善著色花卉能書

同上

伍長馨字桂山長華昆季邑諸生善著色花卉能書

同上

伍福字貽堂江寧人國子生善寫意山水工書精

鑒別

同上

堵

元

堵

簡字無傲爲浙省椽能書畫

張紳元賢翰劑記

梧溪集

堵信卿毗陵人工草蟲

書畫史

明

堵炳字文明仕爲刑郎善山水

清江集

劉槎翁

集

鄔

明

鄔

昆辦石浮山人山水人物不失宋元遺意畫史會要

國朝

鄔希文字亦范號松巖餘姚詩生乾隆丙辰應制科
善畫工文章能琴有倪高士風畊硯田齋筆記

鄔士謬字凌千流寓琴川善傳神虞山畫志

浦

明

浦源字長源號海生無錫人舉授晉府引禮舍人

倪瓚弟子善畫工詩與福建林鴻爲詩友號十才

子卒年三十有六無錫縣志 巽隱集

浦融字通詹吳人隆萬時畫筆摹古莫辨書學晉

人喜作詩酒酣浩歌不懌士大夫多樂與之游吳

縣志 珊瑚網

浦 鯨隆萬間人工山水

珊瑚網

國朝

浦 湘字葭洲常熟人善畫

畫名
家錄

浦 基自號懶禪子吳人花鳥天真爛熳藻采飛翔

無庸史習氣

墨香居畫識

禹

國朝

禹之鼎字尙吉

畫微錄作止吉

號慎齋江都人康熙中授鴻臚寺序班非其好也人物故寔幼師藍氏後出入

宋元諸家遂成一家其寫真多白描有王會圖二

卷稱傑

圖繪寶鑑續編畫微錄

古夫于亭雜

錄

宇文

唐

宇文 肅善小畫金玉雕刻之樣禽獸葩葉之能

歷

代名畫記

米

宋

米

芾字元章襄陽人一云吳人自號鹿門居士嘗
自署姓名米或爲芊或爲黻又稱海岳外史襄陽
漫士官書畫學博士禮部員外郎知淮陰軍山水
人物煙雲掩映書畫俱自名一家深於畫理精鑒
別著畫史書畫評工詩書學義之篆宗史籀隸法
師宜官晚年出入規矩人爭珍玩冠服效唐人風

神蕭散立吐清暢所至人聚觀之好潔成僻不與人同巾器多蓄奇石初於無爲州治有巨石狀奇醜芾見大喜具衣冠拜之呼之爲兄不能與世俯仰故從仕數困皇祐辛卯生大觀丁亥卒年五十有七著寶晉英光集

宋史本傳

宣和畫譜

畫

繼 圖繪寶鑑

韵語陽秋

清波雜志

宋詩

記事

按疑年錄考東都事畧云大觀二年卒年四十九

宋史本傳云年四十九不著卒年程北山題米元章墓生皇祐辛卯年卒大觀庚寅若然則六十矣均有未合今據蔡天啓所撰墓志

米友仁一字尹仁小字虎兒字元暉自稱嬾拙老人
芾子世號小米仕至兵部侍郎敷文閣直學士力
學嗜古山水清致點綴煙雲不失天真風氣克肖
乃翁善書大隸有古意與王子韶相掎雖不逮父
自具一種風格年八十神明如少壯時無疾而逝

宋史本傳 畫史 畫繼 圖繪寶鑑 書法鈞

元 鶴山集 宋詩記事

按寓意編云米氏襄陽人而宋史以爲吳人觀海
岳撰樂圃募表云予昔居郡與先生遊今觀畫跋
則米老父子皆嘗居吳故其女嫁大姚其寔非吳
產也

明

米萬鍾字仲詔號友石關中人以錦衣籍京師芾裔

萬厯乙未進士歷官江西按察使天啓乙丑魏黨
倪文煥劾之遂削籍崇正初起太僕少卿卒山水
得倪迂法花卉似陳淳多蓄奇石故善畫石有襄
陽風行草得家法尤善署書時邢張米董俱以書
見稱又有南董北米之稱萬鍾擅名四十年書蹟
徧天下著篆隸考譌明史董其昌傳 畿輔人物
志 畫史會要 圖繪寶鑑續纂 無聲詩史
書史會要

國朝

米漢雯號紫來宛平人萬鍾孫順治辛丑進士授長葛知縣行取適舉制科改詞林後爲侍講善山水書畫俱法南宮工詩

圖繪寶鑑續纂

畫徵錄

香祖筆記

洗

宋

洗仁傑高宗時人善寫真

東溪集